

7

T 3145/3332.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 26 1939

永寧縣志

永寧縣志卷之一

政事部

貢賦志

雜課附

倉儲附

蠲免附

當湖陸子修靈壽志賦役一門最詳極論歷代徵稅擾民之弊獨尊我

朝一良法筭意可行之萬世而無弊矧

皇上愛育黎元恩膏疊沛蠲免賑卹史不絕書近復命

哈佛大學漢和
圖書館珍藏印

各省修定賦役全書稍有不便於民者盡行刪改吾民何幸休養生息於太平之世也乎永邑山多田少有竹地水地川地崗地坡地之分百餘年來無曠土無游民亦無逋賦耕鑿飲食熙熙穰穰若登春臺在上者寓撫字於催科嚴黠吏之影射禁暴胥之滋弊寬一分則民受一分之福矣襍稅本周官九賦遺制倉儲爲常平社義良法牽連載之宜何如豐歉有脩惠我嘉師也

戶口

康熙三十三年戶一萬三百四十二戶口三萬六千六百二口

乾隆五十四年戶三萬一千五百零四戶口一十五萬五千六百九十八口

原額人丁一萬九千五百八十七丁徵丁銀二千七百四十二兩一錢八分內除逃亡人丁六千三百七十三丁逃亡丁銀一千八百九十八兩四錢

九分又乾隆三十六年奉文編審

盛世滋生戶口人丁六千二百八十五丁永不加賦現在徵賦人丁六千九百二十九丁內分

上丁七十八丁每丁徵銀五錢

中丁一千二百五十四丁每丁徵銀二錢四分

下丁五千五百九十七丁每丁徵銀九分

以上三則共派丁銀八百四十三兩六錢九分遵

照雍正四年內題准 部覆就一邑之丁糧均派

于本邑地糧之內無論紳衿富戶不分等則一例

輪將計每地糧一畝該攤派丁銀四分三厘一毫

四絲八忽六微九纖一沙五塵三埃二渺二漠

田賦

原額七等共地八千二百六十一頃二十一畝八

分九毫一絲原額銀四萬二千八百三兩四錢一

厘又萬歷年間每畝加增九厘銀七千四百三十

五兩九分六釐又加添黑鉛銀九錢六釐共原額

銀五萬二百三十九兩四錢三分內分

一等竹地一百四十六頃一十七畝九分三釐四

毫七絲徵銀二千二百六十六兩二錢二分九釐

二等水地七百七十九頃一十五畝二釐三毫四

絲徵銀九千五十九兩四錢一分八釐

三等川地七百一十六頃六十畝三分八釐五毫

徵銀五千五百五十四兩七錢八分二釐

四等平地一千一百七十一頃九十八畝九分二

釐徵銀七千九百四十九兩一錢二分八釐

五等崗四地一千六百七十五畝五十二畝四分

六毫徵銀八千一百一十八兩三錢一分八釐

六等坡地三千七百七十一頃七十七畝五分徵

銀一萬九百六十三兩八錢九分六釐

七等山稞二萬一千七百六十八石一斗八升折

銀六千三百二十七兩六錢三分二釐內順治二

年六月內 巡按甯 具題奉

旨免荒現除荒蕪有主一等竹地一百一十四頃四十

二畝四分二釐一毫七絲

二等水地七百六頃三畝八分八毫四絲

三等川地三百八十六頃二十一畝四分六釐七

絲

四等平地一千一百七十一頃九十八畝九分二

釐

五等崗凹地六百五十七頃五十九畝四分七釐

五毫四絲

六等坡地七畝六分八釐六毫七絲五忽

七等稞籽二萬一千六百五十九石九升七合除

荒銀六千二百九十五兩二錢七分

以上共除荒地三千三十六頃三十三畝八分一

釐二毫九絲五忽連探籽共除荒銀三萬四百七
兩七錢六分九釐

一現種行糧成熟地五千二百二十四頃八十七
畝九分九釐六毫一絲五忽內除

康熙九年起到雍正十三年止勸墾自首共地二
千八百七十九頃六十三畝八分九釐六毫一絲
五忽內分

一等竹地三頃九十四畝一分八釐六毫每畝派
銀一錢五分五釐三絲七微五纖遇閏加徵銀一釐七毫八絲九

忽三微

二等水地八十七畝八分八釐每畝派銀一錢一

分六釐二毫八絲遇閏加徵銀一釐三毫四絲二忽

三等川地並康熙四十年歸則及雍正五年當年

陞科共地一百三頃四十四畝三分三釐四毫二

絲每畝派銀七分七釐五毫一絲六忽遇閏加徵銀八毫九

絲四忽六微

五等崗凹地並康熙四十年歸則及雍正八年入

額徵解共地五百二十七頃八十八畝五分六毫

五絲每畝派銀四分八釐四毫五絲二忽五微五

織遇閏加徵銀五毫五絲九忽一微二纖

六等坡地二千二百四十三頃四十八畝九分八釐九毫四絲五忽每畝派銀二分九釐七絲遇閏加徵

銀三毫一絲五忽五微

以上五等熟地照依賦役則例共派銀九千九百

五十二兩七錢四分三釐 又該補徵銀三百九

十八兩五錢二分七釐 二項共徵銀一萬三百

五十一兩二錢七分

該攤派丁銀四百四十六兩六錢四分四釐

一實在應徵起存倉口成熟共地二千三百四十

五頃二十四畝一分內分

一等竹地二十七頃八十一畝三分一釐七毫連下

五等地每畝派銀確數見上

二等水地七十二頃二十三畝三分三釐五毫

三等川地二百二十六頃九十四畝五分六釐一

絲

四等平地無

五等崗凹地四百九十頃四畝六釐四毫一絲

六等坡地一千五百二十八頃二十畝八分二釐

三毫八絲

七等稞籽一百九石八升三合每斗照依賦役則

例折銀二分九釐六絲八忽

以上五等熟地並稞籽共徵銀九千八百七十八

兩八錢九分一釐內除紳衿吏停免糧石銀五百

三十五兩六錢照數另行扣解

實徵地銀九千三百四十三兩二錢九分一釐

該派丁銀四百四十兩二錢六分六釐

以上勸墾自首及起存倉口共成熟地五千二百

二十四頃八十七畝九分九釐六毫一絲五忽共

徵地丁銀二萬五百八十一兩四錢七分一釐

又補徵消耗等項銀三百二十四兩五錢七分有

細數又帶徵紳衿吏停免糧石銀五百三十五兩六

錢共徵銀二萬一千四百四十一兩六錢四分一

釐所有更名衛地丁糧細數另列于後

一折色起運原額銀三萬七千四百七十兩二錢

一分六釐除荒實徵銀七千七百八十兩九錢七

分四釐

存留項下裁扣裁剩並應裁襍款共原額銀五千

三十四兩七錢三分二釐除荒實徵銀九百五十

一兩三錢五分六釐

六八漕折原額銀一千一百八十八兩四錢八分

除荒實徵銀二百二十四兩六錢六分三釐

輕賚原額銀三百一十二兩除荒實徵銀五十八

兩九錢七分八釐

折席原額銀二十兩六錢五分除荒實徵銀三兩

九錢四釐

外扣解停免糧石銀五百三十五兩六錢

一本色起運原額銀六千九百八十九兩四錢七

分八釐除荒實徵銀一千三百三十兩六錢七分

九釐又奉 部文外補徵漕耗銀米並臨德二倉

耗米及布花顏料等項價值共銀三百二十四兩

五錢七分照依本年實在行糧熟地不分等則每

畝均派銀一釐三毫八絲三忽九微四纖九沙一

塵一埃九渺九漠內分

起運戶部本色

正兌原額米三千九百石除輕折外每石價銀八

錢六分六釐五毫除荒實徵米七百三十七石二

斗三升八勺原額價銀三千三百七十九兩三錢

五分除荒實徵銀六百三十八兩八錢一分

外二五二八加耗原額米一千八十九石五斗四

升除荒實徵米二百五石九斗五升九合五勺

盤剝原額銀五十八兩五錢除荒實徵銀一十一兩五分八釐

改兌原額米二千石除折席外每石價銀七錢四分六釐五毫除荒實徵米三百七十八石六升六合原額銀一千四百九十三兩除荒實徵米三百七十八石六升六合

實徵銀二百八十二兩二錢二分六釐外一七加耗原額米三百四十石除荒實徵米六十四石二斗七升一合二勺

盤剝原額銀三十兩除荒實徵銀五兩六錢七分一釐

以上正改兌漕米遵照部文每漕糧一百石加

潤耗銀五兩米五石查本縣共該實徵漕糧正米

一千一百十五石二斗九升六合八勺該加潤耗

銀五十五兩七錢六分五釐該加潤耗米五十五

石七斗六升四合八勺每石價銀八錢其該價銀

四十四兩六錢一分二釐共該補徵銀一百兩三

錢七分七釐又照部文正耗漕米每石價銀八

錢一例編徵查本縣共該實徵正耗漕米一千三

百八十五石五斗二升七合五勺共該價銀一千

一百八兩四錢二分二釐除照舊徵銀九百二十
一兩三分六釐仍該補徵正耗米價銀一百八十
七兩三錢八分六釐

臨清倉本色新奉文改撥運軍行糧原額米一千
六百三十石五斗七升五合每石價銀八錢

原額銀一千二百八十二兩八錢六分除荒實徵
米三百三十石一斗二升九合四勺實徵銀二百四
十二兩五錢四釐

外加一耗原額米一百六十石三斗五升七合五
勺除荒實徵米三十石三斗一升二合九勺遵奉

部文照依正米每石價銀八錢該補徵耗米價銀
二十四兩二錢五分

德州倉本色新奉文改撥運軍行糧原額米一百
一十九石四斗一升四合二勺每石價銀八錢
原額銀九十五兩五錢三分一釐除荒實徵米二
十二石五斗七升三合二勺實徵銀一十八兩五
分九釐

外加一耗原額米一十一石九斗四升一合四勺
除荒實徵米二石二斗五升七合三勺遵奉 部
文照依正米每石價銀八錢該補徵耗米價銀一

兩八錢六釐

本色棉花絨四十二劬十二兩實徵額價銀三兩

一釐內改折花絨一十四劬三兩遵奉 部文照

依康熙七年本色花絨每劬估定時值價銀一錢

二分徵解共該徵銀一兩七錢二釐除照舊徵銀

九錢九分三釐仍該補徵銀七錢九釐於康熙三

十九年二月內奉文停解

本邑花絨二十八劬十一兩原估時值每劬價銀

一錢五釐共該銀三兩一分二釐除照賦役舊徵

銀二兩八釐仍該補徵銀一兩四釐照依康熙二

十四年正月內奉文減定價值每劬價銀七分該

銀二兩八釐該扣餘剩銀一兩四釐 以上各款價銀統歸丁地

解繳藩庫

本色棉布一十四疋一十一尺實徵額價銀五兩

四錢九分四釐內

改折布二疋二十一尺四寸遵奉部文照依康熙

七年本色布每疋估定時值價銀一兩徵解共該

銀二兩八錢九分二釐除照舊徵銀一兩九分九

釐仍該補徵銀一兩七錢九分三釐於康熙三十

年三月內奉文仍解甲字庫本色布一十一疋一

十三尺六寸照依原估時值每疋價銀九錢三分
 共該銀一十兩七錢五分七釐除照舊徵銀四兩
 三錢九分五釐仍該補徵銀六兩三錢六分二釐
 照依康熙二十四年正月內奉文減定價值每疋
 價銀三錢又於乾隆三年正月內奉 部每疋增
 價銀三錢五分其價銀六錢五分該銀七兩五錢
 一分八釐又每疋鋪墊銀五分其該鋪墊銀五錢
 七分八釐該扣餘剩脚價銀二兩六錢六分一釐
 以上銀兩解司每春赴 司領布
 價並鋪墊銀八兩九分六釐辦解
 本色黑鉛原額二十三劬十二兩實徵額價連鋪

墊銀一兩九分二釐照依原估時值每劬價銀七
 分八釐該銀一兩八錢五分二釐除照舊徵銀一
 兩九分二釐仍該補徵銀七錢六分於康熙三十
 五年九月內奉文改折一分黑鉛七劬十四兩六
 錢六分七釐照依 部定價值每劬價銀三分五
 釐該銀二錢七分七釐又該鋪墊銀八分七釐
 停解本色二分黑鉛一十五劬十三兩三錢三分
 三釐於康熙四十五年九月內奉文停解本色
 部定每劬價銀三分五釐該銀五錢六分四釐又
 該鋪墊銀一錢七分四釐該扣餘剩銀七錢六分

本色明礬二觔五兩實徵額價銀六分內 改折礬一觔五兩二錢照依順治十八年 題定價值每觔價銀九分該銀一錢一分九釐除照賦役舊徵銀三分四釐仍該補徵銀八分五釐於康熙五十三年九月內奉文停解 本色明礬十五兩八錢照依原估時值每觔價銀六分五釐該銀六分五釐除照舊徵銀二分六釐仍該補徵銀三分八釐照依康熙二十四年正月內奉文減定價值每觔價銀一分該銀一分又鋪墊銀一分一釐該扣餘剩銀四分三釐

本色粳米原額三百六十一石每石價銀一兩五錢五分除荒實徵米六十八石二斗四升一合二勺

原額銀五百五十九兩五錢五分除荒實徵銀一百五兩七錢七分四釐 舊解襄城營乾隆五十二年奉文改解 藩庫

起運工部本色

麀皮奉文改折原額六張每張價銀六錢原額銀三兩六錢鋪墊原額銀一兩四錢四分除荒實徵麀皮三張六釐實徵銀一兩八錢三分六釐鋪墊銀七錢三分四釐共銀二兩五錢七分

本色弓一十九張折牛角一十九副每副額價銀
 四兩共該原額銀七十六兩於康熙三十九年二
 月內奉文停解本色除荒實徵牛角三副五分九
 釐除荒實徵銀一十四兩三錢六分照依康熙二
 十四年正月內奉文減定每付價銀一兩該銀三
 兩五錢九分該扣餘剩銀一十兩七錢七分以上
統解藩庫

河南衛工部牛角一副除荒實徵牛角三分二釐
 原額價銀四兩除荒實徵銀一兩二錢八分於康
 熙二十四年奉文減定每副價銀一兩該銀三錢

二分該扣餘剩銀九錢六分徵銀解司

宏農衛工部牛角一副除荒實徵牛角二分五釐
 原額價銀四兩實徵銀一兩康熙二十四年奉文
 減定每副價銀一兩該銀二錢五分該扣餘剩銀
 七錢五分徵銀解司

查以上起運折色本色各項價銀均歸入丁地銀
 兩統解司庫茲將各款臚列以便稽考

存留項下

原額銀八千五百二十一兩八錢八分九釐除荒
 實徵銀一千一百一十八兩五錢四分八釐內分

修理

龍亭文廟並各上司本縣經費 河夫銀兩 本縣

驛站 協濟驛站 支發襍項五款

一修理

龍亭文廟並各上司及本縣經費共原額銀一千八
十一兩四分除荒實徵銀一百四十一兩八錢九
分二釐

一支發襍項原額銀五百三十六兩四錢七分七
釐除荒實徵銀七十兩四錢二分一釐

以上二款共實徵銀二百一十二兩三錢一分三

釐查內有新舊裁解停給以及補額各項若照舊
臚列未能一目瞭然茲將現在應支各款列於前
裁解各款附於後庶便稽考

存留項下每歲應支款項

修理

文廟原額銀一十兩除荒實徵銀一兩三錢一分三
釐

本府通判俸原額銀六十兩除荒實徵銀七兩八
錢七分六釐

本縣知縣俸原額銀四十五兩除荒實徵銀五兩

元寧縣志 卷八
九錢七釐

門子二名工食原額銀一十二兩除荒實徵銀一
兩五錢七分五釐撥補銀一十兩四錢二分五釐
皂隸十六名工食原額銀九十六兩除荒實徵銀
一十二兩六錢一釐撥補銀八十三兩三錢九分
九釐

馬快手八名工食原額銀四十八兩除荒實徵銀
六兩三錢撥補銀四十一兩七錢

喂馬草料原額銀八十六兩四錢除荒實徵銀一
十一兩三錢四分一釐

民壯五十名工食原額銀三百兩除荒實徵銀三
十九兩三錢七分九釐

裁減民壯二十七名工食原額銀一百六十二兩
除荒實徵銀二十一兩二錢五分三釐酌存民壯
二十三名工食原額銀一百三十八兩除荒實徵
銀一十八兩一錢一分三釐每名工食八兩撥補
銀一百四十四兩六錢二分四釐

庫子四名工食原額銀二十四兩除荒實徵銀三
兩一錢五分撥補銀二十兩八錢五分

轎傘扇夫七名工食原額銀四十二兩除荒實徵

銀五兩五錢一分三釐撥補銀三十六兩四錢八分七釐

司級四名工食原額銀二十四兩除荒實徵銀三兩一錢五分撥補銀二十兩八錢五分

禁卒八名工食原額銀四十八兩除荒實徵銀六兩三錢撥補銀四十一兩七錢

各渡口水手四名工食原額銀一十四兩四錢除荒實徵銀一兩八錢九分撥補銀一十二兩五錢一分

打造渡船原額銀一十二兩七分五釐除荒實徵銀一兩六錢六分四釐

舖司兵十名工食原額銀五十兩除荒實徵銀六兩五錢六分三釐撥補銀四十三兩四錢三分七釐

本縣典史俸原額銀三十一兩五錢二分除荒實徵銀四兩一錢三分七釐

門子一名工食原額銀六兩除荒實徵銀七錢八分八釐撥補銀五兩二錢一分三釐

皂隸四名工食原額銀二十四兩除荒實徵銀三兩一錢五分撥補銀二十兩八錢五分

馬夫一名工食原額銀六兩除荒實徵銀七錢八分八釐撥補銀五兩二錢一分二釐

本縣教諭訓導俸原額銀三十一兩五錢二分除荒實徵銀四兩一錢三分七釐撥補銀七十五兩八錢六分三釐計各俸銀四十兩

喂馬草料原額銀一十二兩除荒實徵銀一兩五錢七分五釐

門斗二名工食原額銀一十四兩四錢除荒實徵銀一兩八錢九分撥補銀一十二兩五錢一分

齋夫三名工食原額銀三十六兩除荒實徵銀四兩七錢二分五釐撥補銀三十一兩二錢七分五釐

膳夫二名工食原額銀四十兩除荒實徵銀五兩二錢五分撥補銀三十四兩七錢五分

廩生二十名實領廩糧其銀九十七兩六錢六分七釐在丁地銀內支用

文廟祭祀原額銀五十六兩九錢九分八釐除荒實徵銀七兩四錢八分一釐加增銀三十二兩五

錢一分八釐

關帝廟春秋二祭及五月十三日祭祀共銀四十

兩在丁地銀
內支用

風雲雷雨壇祭祀原額銀一十兩除荒實徵銀一

兩三錢一分三釐

社稷壇祭祀原額銀六兩除荒實徵銀七錢八分

八釐

邑厲壇祭祀原額銀一十五兩除荒實徵銀一兩

九錢六分九釐

蚩蜡祠祭祀原額銀三兩除荒實徵銀三錢九分

四釐

伍員祠祭祀原額銀三兩除荒實徵銀三錢九分

四釐

中嶽廟祭祀原額銀一兩二錢除荒實徵銀一錢

五分八釐

霜降祭旗豬首酒席原額銀一兩五錢除荒實徵

銀一錢九分七釐

加增壇廟祭祀並均勻不敷銀二十三兩七錢八

分六釐

以上共原額銀一千一百七十兩一分三釐除荒

實徵銀一百五十三兩六錢五分三釐又加增撥

補共銀八百三十五兩六錢二分五釐計每歲應

支銀九百八十九兩二錢七分八釐乾隆五十二年新例解司再領毋許存留先扣
存留項下先舊裁解款項

兩院觀風考試生員賞賜原額銀二十五兩除荒實徵銀三兩二錢八分一釐

縣學門斗一名原額銀七兩二錢除荒實徵銀九錢四分五釐

修理

龍亭原額銀一兩除荒實徵銀一錢三分一釐康熙十四年

年裁解司庫

本縣心紅紙張原額銀二十兩除荒實徵銀二兩

六錢二分五釐康熙十四年

修理監倉原額銀二十兩除荒實徵銀二兩六錢

一分五釐康熙十四年

府通判燈夫二名原額銀一十二兩除荒實徵銀

一兩五錢七分五釐雍正七年

本縣燈夫四名原額銀二十四兩除荒實徵銀三

兩一錢雍正七年

應送新進生員彩旗花紅原額銀四兩除荒實徵

銀五錢二分五釐

應送府學新進生員彩旗花紅原額銀一兩八錢一分七釐除荒實徵銀二錢三分八釐

本縣歲考生員試卷花紅原額銀三十兩除荒實徵銀二兩六錢二分五釐

春牛春杖酒席原額銀三兩除荒實徵銀三錢九分四釐

修理院司公署兩壇鋪設原額銀二十五兩三錢六分除荒實徵銀三兩三錢二分九釐

提學道歲考棚場原額銀四兩九錢三分一釐除荒實徵銀六錢四分七釐

本縣新官到任祭牲原額銀四兩除荒實徵銀五

錢二分九釐

康熙十四年
裁解司庫

起送應試生員並遺才花紅酒席原額銀一十一兩七錢九釐除荒實徵銀一兩五錢三分七釐

府學賞賜應試生員並遺才盤費原額銀七兩五錢二釐除荒實徵銀九錢八分五釐

舉人進士以一名爲率花紅旗匾賀儀原額銀二兩除荒實徵銀二錢六分三釐

科舉生員試卷菓餅賞賜花紅原額銀九兩三錢除荒實徵銀一兩二錢二分一釐

府學衛藉舉人盤費原額銀五兩六錢六分七釐
除荒實徵銀七錢四分四釐

舉人車價原額銀一十二兩八錢四分九釐除荒
實徵銀一兩六錢八分七釐

解司庫每逢會試之年每名支銀五兩四錢九分在丁地頭內支給仍在司庫請領歸款

餞送舉人會試原額銀一十四兩八錢三分三釐

除荒實徵銀一兩九錢四分七釐

康熙十五年裁解司庫舉人坊牌原額銀三十兩除荒實徵銀一兩四錢

七分六釐

康熙十五年裁解司庫每名二十兩在司庫支給進士坊牌原額銀一十一兩二錢四分二釐除荒

實徵銀一兩四錢七分六釐

康熙十五年裁解司庫每名三十兩在京科場原額銀二十九兩九錢除荒實徵銀二兩九

錢二分五釐

康熙十五年裁解如遇鄉試之年在於司庫丁地銀內支給辦理武舉路費原額銀五兩六錢五分九釐除荒實徵

銀七錢四分三釐

康熙十五年裁解司庫每逢會在本縣丁地銀內支給仍在司庫請領歸款進表官盤費原額銀三錢七分五釐除荒實徵銀

四分九釐

康熙十二年裁解考貢生員試卷菓餅賞賜花紅原額銀二十七兩

五錢除荒實徵銀三兩六錢一分

考貢生員絹旗木匾原額銀一十一兩二錢六分

除荒實徵銀一兩四錢七分八釐

歲貢盤費原額銀二十兩除荒實徵銀二兩六錢

二分五釐 康熙十六年停給

考中貢生原額銀二兩八錢除荒實徵銀三錢六

分八釐

舖兵十三名原額工食銀六十五兩除荒實徵銀

八兩五錢三分二釐

鄉飲原額銀七兩除荒實徵銀九錢一分九釐

以上三十二項裁解司庫充餉遇用請領

一原額河夫三百二十二名半原額河銀二千三

百二十二兩除荒實徵銀三百四兩七錢七分五

釐 解河道庫兌收

一本縣驛站原額銀六百七十九兩二錢除荒實

徵銀八十九兩一錢四分八釐內分 原額馬騾

二十一匹頭草料原額銀四百二十兩除荒實徵

銀五十五兩一錢二分七釐 馬夫六名工食原

額銀四十三兩二錢除荒實徵銀五兩六錢七分

走遞馬夫三十名原額工食銀二百一十六兩除

荒實徵銀二十八兩三錢五分一釐

現存驛馬二匹每日支草料銀五分歲除小建六

日共支銀三十五兩四錢

遇閏按日加增

馬夫一名每日支工食銀四分五釐歲除小建六

日共支銀一十五兩九錢三分

遇閏按日加增

支鞍屨銀七兩九錢一分

以上共支銀五十九兩二錢四分每歲赴 臬司

衙門請領支銷餘剩驛站銀二十九兩九錢八釐

統解藩庫

一額派協濟驛站原額銀三千九百三兩一錢七

分二釐除荒實徵銀五百一十二兩三錢四分四

釐內分

義昌所牛一百二十二隻原額草料銀二千四百

四十兩除荒實徵銀三百二十兩二錢八分三釐

改解藩庫

閔鄉所牛七百隻原額草料銀一千四百兩除荒

實徵銀一百八十三兩七錢六分九釐

改解藩庫

蠡城驛館夫工食銀六十三兩一錢七分二釐除

荒實徵銀八兩二錢九分二釐

改解藩庫

耗銀

本縣額徵民衛更名地丁共銀二萬一千七百一十四兩三錢四分八釐每兩加耗銀一錢四分共徵耗羨銀三千四十兩九釐遇閏加徵正銀二百三十兩一錢二分九釐耗銀三十兩二錢一分八釐內應支

本縣知縣養廉銀一千二百兩 公費銀二百兩 典史養廉銀八十兩

乾隆五十一年新例隨丁地銀併解司庫另行具文請領不准預支

更名地

康熙八年四月內新收更名原額地三頃三十四

畝一分七釐全熟除補徵等項不徵外內分

三等川地五十一畝七分九釐七毫每畝比照民

田則例派銀七分七釐五毫一絲六忽遇閏加徵銀八毫九

絲四忽六微

五等崗凹地六十一畝五分每畝比照民田則例

派銀四分八釐四毫五絲二忽五微五纖遇閏加徵銀五

毫五絲九忽一微二纖

六等坡地二頃二十畝八分七釐三毫每畝比照

民田則例派銀二分九釐七絲遇閏加徵銀三毫三絲五微五纖

以上共徵銀一十三兩四錢一分六釐 該派丁銀五錢七分九釐

二共徵銀一十三兩九錢九分五釐

一收併河南衛

原額丁銀無照現在丁銀準額 原準額人丁一

百二十二丁 原準額丁銀三十四兩九錢又

乾隆三十六年奉文編審

盛世滋生戶日人丁二百一十一丁永不加賦內分

中丁一百二十丁每丁派銀三錢

下丁七十丁每丁派銀二錢

以上二則人丁共派銀四十四兩六錢照雍正四

年 部覆均派入本邑地糧之內無論民衛紳衿

富戶一例輸將

原額地一百七十頃原額銀四百五十三兩六錢

二分五釐查衛地與民田五等 同地相隣每畝比

照民田賦役則例派銀四分八釐四毫五絲二忽

五微五纖實徵原額銀八百二十三兩六錢九分

三釐內順治三年 巡撫甯具題奉

旨免荒見 除荒蕪無主地一百二十一頃九十五畝

一分六釐八毫五絲除荒銀五百九十兩八錢八

分七釐

見種成熟地四十八頃四畝八分三釐一毫五絲

每畝照上派銀

遇閏每畝加徵銀七毫九絲一忽六微四纖七沙五埃九渺

共徵銀二百三十二兩八錢六釐該派丁銀一十

兩四分五釐

二共徵銀二百四十二兩八錢五分一釐

一收併宏農衛

原額丁銀無照現在丁銀準額 原準額人丁一

十五丁原準額丁銀七兩五錢又於乾隆三十六

年奉文編審

盛世滋生戶口人丁五十四丁永不加賦 見在徵賦

人丁二十六丁內分

上丁一十五丁每丁派銀五錢

中丁二丁每丁派銀三錢

下丁九丁每丁派銀二錢

以上三則人丁共派銀九兩九錢派入閭邑地糧

內徵收

原額地三十頃八十八畝二分 原額銀一百二

十五兩八錢五分查衛地與民田六等坡地相隣

每畝比照民田賦役則例派銀二分九釐七絲尙

虧舊額仍照舊例每畝派銀四分七毫五絲一忽
八微六纖五沙一塵六埃四渺二漠順治三年

巡按甯具題奉

旨免荒見 除荒蕪無主地二十七頃一十五畝九釐

除荒銀一百一十兩六錢四分五釐

見種成熟地三頃七十三畝一分一釐每畝照上

派銀遇閏每畝加銀七釐八毫九絲二忽三微三纖一沙八塵九埃八渺

共徵銀一十五兩二錢五釐 該派丁銀六錢五

分六釐

二共徵銀一十五兩八錢六分一釐

總計民衛更名共成熟地五千二百八十頃一分

七毫六絲五忽通其丁地實徵起存本折扣解停

免補徵漕耗銀米布花顏料價值等項共徵銀二

萬一千七百一十四兩三錢四分八釐耗羨銀兩及遇閏加

徵正耗確數見上

襍稅課租

鹽課

本縣原額鹽引一千四十一道代銷引五十三道

又餘引二千八百四十道共引四千九百三十四

道每引一道鹽二百四十觔每觔價銀一分六釐

永寧縣志 卷八
三
襍稅

老稅原額銀一兩二錢六分

牙帖原額銀八兩三錢

活稅原額銀一十二兩六錢三分

老稅盈餘銀三錢四分

牙帖盈餘銀七百一十五兩七錢 新增銀一百

二十二兩八錢三分

活稅盈餘銀三兩三錢七分五釐 新增銀二十

四兩八錢二分四釐

房地稅無定額儘徵儘解

查各行牙帖係雍正四年知縣楊殿颺蒙

前撫部院田 題

奏連前所發共帖四百八十五張以後並無新增

當舖十一座每座稅銀五兩共銀五十五兩

襍租

一普濟堂一座瓦房二十七間 原額地二百零

三畝每年每畝收租息銀二錢四分四釐一毫八

絲共該租銀四十八兩九錢六分 交鹽當籌備

本銀五百三十五兩每兩按月取餘銀一分六釐

六毫六絲七忽每月盈餘銀八兩九錢一分七釐

每年共盈餘銀一百零七兩 又收併育嬰堂每
 歲租銀一十三兩一錢三分三釐 共收租息銀
 一百六十九兩零九分三釐收養貧民四十八名
 每名日支口糧銀一分每年共支銀一百七十二
 兩八錢 每名冬月給棉衣銀四錢共支銀一十
 九兩二錢遇有病故每名給棺木銀七錢每歲不
 敷銀多寡不等具文赴 司請領撥補

一本縣學田均係零星山地並無段落畝數教諭
 訓導管理每年納學租銀一兩二錢入書院充用
 一洛西書院一區在縣城東北隅瓦房三十七間

原置地八畝四分每年夏秋稞租五石八斗八升
 變價銀一十四兩一錢一分二釐 照時值 交鹽當

籌脩本銀六百兩每月每兩一分五釐起息每年
 收息銀一百零八兩 二共銀一百二十二兩一

錢一分二釐 院長聘儀脩膳節禮生辰共用銀

一百六十兩 肄業生童三十六名每月月課四

次歲需卷價銀十四兩四錢厨役二名每年工食

銀十二兩 月課獎賞銀一兩五錢 冬月生童

燈炭銀六兩 每年共需銀一百九十三兩九錢

遇有不敷 捐廉補給

倉儲

常漕義社倉一區在縣署西北隅其廩房十一座

計四十四間所有常漕義社各穀皆在內分貯

常平倉穀乾隆二十二年額貯穀一萬五千石歷

年出借生息至三十七年貯穀一萬六千六百四

十七石五斗五升一合六勺三十八年受撥沈邱

縣穀一千三百九十五石七斗四升九合一勺受

撥項城縣穀九百五十六石六斗九升九合三勺

始額貯穀一萬九千石又歷二十生息現貯穀二萬

一千七百四十四石六斗四升八合八勺內未買乾

隆四十四年平糶陝麥五百四十四石

漕倉原奉定額穀五千石乾隆三十八年奉文受

撥澠池縣溢額穀八百八十石現貯穀五千二百

六十三石七斗七升

義社倉原奉定額穀七百九十七石三斗八升現

貯並無增細

勸捐社倉存穀並溢穀共六千五百一十一石七

斗八升七合三勺內分

存縣穀一千九百五十二石五斗

即在縣倉存貯

鄉社十一處其貯穀並溢穀共四千五百五十九

石二斗八升七合三勺內分

王范里王范鎮貯穀二百三十石二斗九升六合

社長五名

東仇里鳩西寺貯穀四百三十四石六斗八合二

勺社長七名

吳村里福興寺貯穀五百四十石四斗九合一勺

社長七名

馮西里馮店鎮貯穀四百六十五石八斗一升八

合社長四名

大宋里賈埧村貯穀五百一十七石五升七合社

長十二名

楊坡里楊坡村貯穀四百八十二石一斗五升一

合社長六名

底張里故縣街貯穀一百六十一石二斗一升五

合社長二名

原村里青陽宮貯穀三百五十九石六斗四升三

合社長五名

興庄里大覺寺貯穀四百四十四石九斗三升六

合社長五名

王召里陳吳街貯穀三百九十二石三斗八升四

合社長五名

樊村里方村貯穀二百六十六石六斗一升九合

社長三名

陳宋里陳宋寺貯穀二百六十四石一斗五升一

合社長一名

查各里社倉廩房歷年久遠倒塌無存現在社穀

或存寺廟或貯公所春借秋還社長經營每石加

息穀一斗款年免息每息穀一斗給社
長襍費穀二升

一耨田四畝九分每年收租穀七石六斗除祭祀

動用穀四石七斗七升外存倉穀二百八斗三升

積至五年將穀變價貯庫

蠲免

順治十七年

特恩蠲免河南租稅順治十六年以前直省地欠
錢糧凡係地欠在民者蠲免

康熙二十四年

特恩蠲免直隸各省等處錢糧康熙二十五年應徵地
丁各項錢糧蠲免一半

康熙二十四年未免
地丁錢糧亦盡蠲免

康熙三十年

特恩蠲免河南等省錢糧康熙三十一年
錢糧通行蠲免

康熙五十年

特恩蠲免直隸各省等處錢糧自五十年始二三年之內全免一週河南五十年應徵地畝人丁銀全免至歷年舊欠亦俱免徵

雍正七年

特恩蠲免河南錢糧

豫省雍正七年額徵錢糧蠲免四十萬兩

雍正十一年

特恩蠲免河南丁地錢糧四十萬兩

河南本年丁地錢糧蠲免四十萬兩

以存貯之耗羨銀照數撥補

雍正十三年

特恩蠲免錢糧分惠佃戶

乾隆十年

特恩蠲免直省應徵錢糧

乾隆丙寅年直省應徵錢糧通行蠲免

乾隆十一年

特恩蠲免耗羨錢糧

各省正賦分作二年蠲免將蠲賦之年應徵耗羨一併緩至開徵年

按數完納

乾隆十五年

巡幸河南全免地丁錢糧

祥符登封二縣乾隆辛未年應徵地丁錢糧全行蠲免

乾隆十五年

巡幸嵩洛加恩蠲免錢糧十分之三

乾隆三十一年

特恩蠲免錢糧分惠佃戶

乾隆四十二年

特恩普免天下錢糧

自戊戌年始普免天下錢糧分三年輪免河南錢糧輪於四十五年

蠲免

乾隆四十三年

特恩先行蠲免豫省錢糧

四十五年輪免錢糧即於本年先行蠲免

乾隆五十五年

特恩普免天下錢糧

本省錢糧自五十六年始分三年輪免永邑錢糧輪於五十八年蠲

免

永寧縣志卷之八

政事部

壇廟志

禮儀附

記曰有功德於民則祀之以勞定國則祀之能禦大災則祀之能捍大患則祀之有其舉之莫或廢也左氏曰先成民而後致力於神務其三時修其五教致其禋祀於是乎民和而神降之福豈僅奉帛陳牲修具文乎哉邑之正祀昭垂令典者必謹書之他如名賢茂宰明聖所留人殷仰止不敢稍遺焉至俗祀沿而未改者亦載

之以備上風而順民志社鼓神簫衢歌巷舞固太平盛景也

社稷壇 在西郭外洪武元年主簿丁讓創建永樂元年知縣郝敬重修正統十年縣丞于淵重修 國朝雍正十年知縣喬相奉文重修

風雲雷雨山川城隍壇 在南關外

先農壇 在東郊外 國朝雍正四年知縣楊殿颺奉文建置藉田四畝九分壇地三畝

厲壇 在城北

城隍廟 在縣治西元至正四年知縣溫敦創建明洪武二年知縣翟禮重修正統十年縣丞于淵重修宏治十七年知縣李景重修 國朝順治五年知縣王潤身重修十七年知縣程瑒重修康熙九年知縣李伸重修三十七年知縣佟賦偉重修乾隆四年置祭田神儀仗乾隆五十三年重修

重修城隍廟碑記

永寧佟侯治其邑十四年矣省刑薄賦開渠興學富教之政犁然具舉最後以城隍廟腐壞將傾非守土者所以躬率士民嚴奉祭祀之意乃謀於邑之士民將新而大之以垂永久議既同侯首出俸金以倡士

民商賈踴躍樂輸者輻輳遂諏口興役於孟秋之吉
其金錢之出納木石瓦甍丹堊之直工匠饗殮粟麥
薪炭之費教諭宋君典史趙君與士民之有幹才而
重廉耻者李紹周王丞基劉汝爲孟英韋士敏等分
而主之侯相度指示日必三四往數日而一勞米肉
酒果復別出已橐以辦民大悅越六月而廟工以成
土木之侈殫極巧力余適客侯所往觀而壯之乃問
於侯曰城隍之神何爲而立廟以祀也侯曰神名號
祭祀雖不見禮經而築城鑿池以衛民而禦暴功莫
大焉蓋社稷之類此神所以名而廟祀之所由起也

然則神之非人鬼昭昭矣而廟之像之加以冕服設
之筆硯夫人之并坐女樂之環侍儼然事之如人鬼
禮與且神之所司者衛民以禦暴而已至於降祥殃
斯民之壽考天絕上帝實主之城隍之神何與焉卽
謂神聰明正直受命於天足以禍福乎斯民亦積善
積惡理不可違而氣始相感云爾非果有人其形貌
者臨之於上而承以度司列曹分職勾攝魂魄兢兢
然日規取生人而春剉之也而二十四司鬼卒之森
列刀鋸鼎鑊之雜陳無乃厚誣與又况神受命上帝
以主城隍緣實立名蓋天之所爲非朝廷封爵可得

而加也而今稱之曰公曰侯曰伯非瀆禮而不經者
與余聞明太祖卽位之三年革去神三等之封稱如
其本號毀塑像易以木主他雜亂鬼神皆屏黜之有
司懼得罪於神而奉行不力故至今尙踵其謬公安
覽博物君子也考禮有素是舉也何不一正數百年
相沿之非以曉愚蒙使知所以務民之義而不惑於
煮蒿妖誕之邪說顧乃仍其舊貫而華麗宏壯視昔
有加者何哉侯唯唯逡巡謂余曰洪武之詔余不敏
固嘗竊聞之然禮之不明而俗各是其所習見久矣
今余不顧衆心之所安而一旦孤立行己意士大夫
可耳蚩蚩之氓將囂然其有後言明道牖民之教未
信於平日雖知而爲之卒亦不能絕民神之雜揉而
正人心徒爲此紛紛而已傳曰如其禮樂以俟君子
古人之審於自量蓋如此此余之所以因循其舊而
不敢遽爲釐革者也子盍爲我書之而并述吾兩人
之言以告後之君子祀典之正庶幾其有待矣乎余
乃退而爲之記全軌撰

關帝廟

在城西門內明正統十年縣丞于淵重修宏

治十六年知縣李景重修

國朝康熙二十九年知

縣佟賦偉重修康熙四十八年乾隆八年繼修施

府志雍正三年奉

旨追封

帝三代

光昭公

裕昌公

成忠公祭於後殿今邑中余莊鎮吳村里底后里王范

鎮西塢鎮嶺山村中益村底前里大原村皆有專廟

龍神廟 在城北鳳翼山明洪武十五年建景泰二年

知縣于淵重建

火神廟 在城內西街

八蜡祠 在城東北舊志在鳳山澗水間明萬歷十二

年署縣通判易汝奇建

東嶽廟 在東關

雷神廟 在西關

禹王廟 舊府志在長水鎮昔禹治水成功洛龜呈瑞

故立廟祀焉宋淳化六年建元延祐三年學士薛友

諒修後明正統萬歷相繼修 國朝乾隆五十三年

重修

題長水西洛書賜禹之地羅正之石刻

張生卓犖真好竒呼我出城觀禹碑平生雅足濟勝

具梯鸞磴薛吾何辭雙筇窈窕到碑下嘆息疇曩頗
 嗟咨山腰圓抱鐵瓮腹石面倒偃紅玻璃捫烟揣霧
 隨指濕凜凜古氣衝人衣天生神禹未易詰世人妄
 作黃能兒洛書先時墮禹腹為是天賜何其濤龍門
 自古天所啟為是禹鑿何其疲向來行水本無事四
 海為壑天為池誰以茫昧賈後疑道人潛來偶見之
 字形漫滅不盡識歲月唯有蒼苔知溪風颭颭餘清
 悲杜人傑撰

止軒杜善夫先生天下士也以文章鳴於時以詩
 洒適其性達天命而混世俗者也五十年前嘗辟
 地於長水游覽山川之勝樂性所嗜也長水西南
 六七里今古相傳洛書賜禹之地也公辯其相傳
 之非洛城南龍門今古相傳禹所鑿也公辯其相
 傳之非噫廓一已之誠明破萬世之疑惑非儒生
 俗士所能及也歎服之餘以散言題之於其後因
 口君用胡經歷致書之雅意云歲己巳孟冬十一

日薛元題

湯王廟 在Original村明崇正六年建

光武廟 施府志在縣東新莽末赤眉寇宜陽光武親
 帥六軍克之明帝永平元年立廟祀之舊志在嶺山

文昌廟 施府志在城外東南隅卽奎樓今按廟與樓始建文廟東明萬歷四十二年知縣劉應遇移廟東郭外 國朝順治十四年邑人張鼎延修乾隆十三年重修

重建奎樓記

永古元滬地也面峙金門背負鳳翼而聖宮建焉風氣著於人文濬濬明允之相理學博雅之儒藹藹於前詎非山川呈秀而光重膠序者哉迨及中季漸謝國初說者僉謂大成坊東宜構奎樓以助文峯前任關西楊侯都下米侯咸有志而未果或天需以侯明府茂歲之丁未西吳賈侯以春榜高第來牧茲水庶務未遑輒以興起人文爲已任念士之情窳易恣也而嚴課程登進之途隘也而請增額婚葬之□□寒窶也而捐俸置田萌心動念胥以興賢育才爲斷故邇來名登兩榜者有人焉迨歲壬子侯將內召矣然而重士之心猶未已也乃謀諸署諭喬君翹建奎樓樓祀奎星梓潼兩神爲人文助然喬君以西晉魏科胸蟠錦繡敬神造士之心于賈侯若符也於是官捐其俸士庶輸其貲喬君董其役而炎暑弗憚又令王生大任田生有玉辨材督工不兩月而就緒焉櫺棋

峻嶒輪奐美矣樓成顏生廣趙生翼如等懇余爲之
記余以聚奎之說何昉哉有宋開基大示文章之精
華五星并聚而英賢繼起蓋一代奇逢也孰謂嶢嶢
人文之興非藉茲樓閣以爲之兆乎猗歟休哉噫記
有之凡學官先事士先志事之未克成官之責也事
成矣而志弗辯諸士之憂也是故士之尚志蓋有成
訓然而學術日僻德業日圯恒貿貿焉而靡所成將
無有以阻之乎剽經獵史琢句組章徼冒祿位耀身
私家其於偵賄類也間有喙其陋矣□□述爲勛業
□臆中爲實際假借舊聞憑依人言其□□托類也
間有察其方而求之矣入譽出毀黨同伐異瞻前顧
後且進且卻其□好言類也辨志之謂何二三子其
亦思自奮自燭自程督自綜畫庸德庸言慥慥相顧
仁義之良徵諸邦家準諸四海庶幾無玷先哲無媿
神明無負良牧良師而奎壁其常輝哉明僉都御史
盧氏李炳撰

玉皇廟 在嶢嶢山巔

真武廟 在時和街北倚城起臺 萬歷三年知縣秦

紳重修乾隆二十九年知縣金兆琦重修

五嶽廟 舊府志一在東關一在龍頭山今按東關廟

明知縣于淵重建崇正八年 國朝雍正五年乾隆

十九年重修龍頭山廟元至正七年建 國朝雍正

十三年乾隆五年重修 龍頭山上有鍾呂二仙師

傳劍亭

題龍頭山傳劍亭

明霍鵬

莫訝仙都迥絕羣松扉石磴鎖閑雲記藏玉笈二山

合圖出金箱五岳分王母洞中留宿霧真人菴畔挂

斜暉它年學得騎龍術世事悠悠總不聞

登龍頭山偶成

明知縣米萬鍾

日暮攀雲訪勝遊懸車一逕上龍頭磨雲古栢傳清

籟聳壑巔崖枕巨流坐落萬川涼月影尊開千里碧

天秋竭來頓覺忙身俗却怪仙踪不可求

三官廟 舊志一在西關一在王范鎮今王范廟嘉靖

十三年重修 國朝康熙五十四年修

洛河龍神廟 舊府志在龍頭山

金山龍神廟 在金門山下元皇慶年間建明萬歷間

修 國朝康熙十四年修

石神廟 續通志在城東北二里今按廟壁有宋慶歷

八年重修石刻稱石父廟明景泰三年嘉靖十八年

繼修 國朝乾隆四十七年修舊有大觀亭廢知縣

丁光劍新建吟鳳亭於廟左爲觴咏之所

藥聖藥王廟 續通志在王范鎮明嘉靖二年修

嵯嶢廟 名勝志嵯嶢山上有龍井及河瀆廟續通志

元至正十年重建有薛友諒碑記明正德年重修

嵯嶢廟記

嵯嶢洛西名山也崔嵬千仞突起平野無重崗複嶺
擁護於其下儼然有岳鎮尊大之象山下出泉爾雅
云水本曰源源曰泉嵯嶢其泉之本歟蓋山澤通氣
氣聚而神變化不測噴雲泄霧覆手爲雨救旱蘇枯
隨禱輒應何止百里前代褒封曰仁應侯宜矣廟貌
森嚴飽歷歲月風雨弗支詎容坐視逮邑侯溫敦野
仙鐵本兒治政嚴明首捐已俸諭其里正賀榮祖曰
當從而新之力爲構葺數上日就緒輪奐翬飛望之
起敬榮祖偕鄉曲耆宿等以河瀆靈源王廟謁余之
記余固學識孤陋而山之神有功於民者不可辭其
於廟名有疑焉進封靈源王則理實當然若曰河瀆
自有方所恐傳之者訛也今按圖經載十道志昔廣
成子往來嵯嶢放逸山谷蓋此山也若謂河瀆則穆
天子傳河與江淮濟三水爲四瀆水經注河瀆出崑
崙之墟東流潛行地下至規期山北分爲兩源一出

葱嶺一出于闐其河復合東流蒲昌海復南出積石
山西南流入東迴入塞過燉煌至酒泉南與洮合歷
六郡至上都河東郡西出龍門至華陰與渭合東迴
底柱及洛陽也爲河濱王可乎名正則言順理合辯
明况永寧神在之膚也救時濟衆而不惟免饑荒流
徙之傷又得以寬撫字者不職之咎至正辛巳夏四
月侯爲邑民告旱潔已薦誠隨車而雨感召之理昭
然矣神之錫祐茲土者不知其幾千百年矣止今日
余向乘乏翰林嘗偕大學士陳顥具其事以聞仁宋
登霞不果噫有以俟好善者繼成其事斯焉正名樹
石廟庭雲車風馬神其妥靈闔境之氓必敬必恭洋
洋在上至誠感通災厲不生時和歲豐且不特乎履
懸之祭而受福澤無窮也是以記之薛友諒撰

岐伯廟 施府志在永寧縣西景泰元年建

鄧侯廟 施府志在永寧縣治西南

趙清獻公祠 舊志在縣治西遺址尙存東郭外有萬
歷中知縣劉應遇所立碑云趙清獻公舊治

五賢祠 舊府志元薛友諒建祀文潞公司馬溫公程
明道伊川邵康節五先生在洛西書院 孔子燕居
堂之左今廢

二妙祠 舊府志祀薛文靖公及其子友諒在洛西書

院 孔子燕居堂之左明末寇亂燬

按府志庸齋父子元人李濂志以為宋人誤五賢祠即薛友諒建後人又建薛氏父子祠明季俱燬於兵據志友諒嘗請升周程諸儒從祀孔子廟廷建治洛西書院永寧人祀之宜矣但父子同祀而稱二妙殊不當

文潞公祠 舊志在鳳翼山今廢

二程夫子祠 在錦陽川明正德中伊川十五代孫顯

來卜居嘉靖中建祠 國朝順治十年二十四代孫

湛糾族重修康熙二十五年知縣佟賦偉修

重修兩程夫子祠碑記

知縣 佟賦偉

嘗聞兩程世譜系出徽人也繼遷於孝感遷於黃陂

宋興五世仕洛膺顯秩皆有功於民社及大中公歷

官十二上賜第於京遂家焉迨歿葬洛南再傳及明

道伊川兩夫子誠意正心居敬窮理為宋時名賢厥

後子孫蕃衍寄寓嵩邑洛國公十五代孫諱上謙復

僑居永之錦陽川雖歷世久遠而俎豆常新方今

聖天子崇儒重道殷殷表章往聖前賢是歲

特命禮部博採天下藏書兵部武庫司郎中湛興漢掛

印總兵官福亮係洛國公二十四代賢裔也刊集二

程全書五十卷進呈

聖覽叨蒙

御製學達性天匾額於洛陽祠堂復

勅重修嵩永祠宇偉承乏茲土竊慕美墻者久之欽遵
綸音庀材鳩工丹雘聖闕月金碧輝煌廟貌重新不
有數言以記之何以垂於不朽哉爰列貞珉以告來

茲

秦侯祠 施府志在縣西

賈侯祠 舊志祀知縣賈宗悌在東關文昌閣東

劉侯祠 舊志祀知縣劉應遇在西關

張中丞祠 施府志在永寧縣西門祀明右副都御史

四川巡撫張論舊志崇正十年知縣劉鴻業請立祠

十三年城陷燬於火 國朝順治九年知縣程萬善

重修

都御史張公祠記

夫經文緯武是曰真儒急病讓夷斯云達節空疎誤
世終慚六藝之稱拳勇無成寃屬一人之敵是以樹
無前之烈必藉智名勇功闢非常之原允資英謀雄
斷所為勛在社稷德被鄉邦作一代之宗臣崇千秋
之祀典則我中丞張公其人也維公豐偉魁梧敦大
嚴重金門鍾其秀氣元滬表其清標經術醇深先輩

交相引重文章爾雅後賢多所裁成始自大行擢登
柱史皂囊白簡人謂鳳鳴朝陽繡衣豸冠屢見虎爭
殿上天啟中釁起蠶叢氛逃魚復盜竊名字幾同李
特之披猖割據方州有甚雍闓之武逆鉦鼓沸錦江
之水旌旗蔽玉壘之雲公以巡方之役兼視師之寄
爾乃請九重之帑藏總七萃之貔貅犒士馮旗陳師
鞠旅按劍而瘡痍盡起援袍而勇怯齊應大破羣醜
遂復全疆迨公奏凱還朝聞喪歸里賊乃乘我備之
單疎糾水西之遺孽進窺蜀永擾動西南天子于是
授公節鉞之權畀以封疆之任公謂以逆犯順是賊
天亡之期用寡擊衆乃我成功之日蠶氣朝乘儼臨
淮之壁壘銳師齊進識順昌之旗幟風馳霆擊魚爛
土崩梟彼二渠之首覆其十萬之衆孔明瀘水之師
竟收工於五月安石淮淝之戰果告捷於八千海內
始知我永之有人朝廷益加公功爲第一比公甫解
疆場之任將尋泉石之盟屬寇軼中原禍延永邑井
堙木刊痛孤城之垂陷烽舉燧燔悲外援之斷絕公
盡散家產召募死士枕戈待旦速沮凶鋒擐甲乘障
屢殲醜類墨守彌堅等盱眙之將吏黃巾自潰識皇
甫之威名邑以解嚴人有攸底公積勞瘁遂捐館舍

可謂以身勤民至死不變者矣昔韋南平久鎮西川
張益州再靖蜀畔皆能垂名竹帛著績旂常然止者
定于邊陲未必救寧于邑里公文武兼資智勇輻奏
中外倚重勲伐爛焉故能以造蜀者造永且以保國
者保鄉矯矯乎其卓冠一代而彪炳千秋豈虛也哉
公諱論字建白號葆一萬歷庚戌進士仕至四川督
撫邑之德里村人蜀人旣祀公名宦郡邑亦崇祀鄉
賢邑人荷公再造謀建專祀用深崇報之思弗替烝
嘗之典僉走請于理臺盧公象昇撫臺常公道立接
臺劉公令譽下余小子董其事不疾不徐因民之願
廟貌有赫祀事孔明爰勒碑銘傳諸永久英魂如在
時游桑梓之邦靈爽長存卽表粉榆之社銘曰絳灌
少文隋陸無武軍國異容夷險安堵烈烈張公折衝
樽俎起家經術建牙開府始繇星使晉持繡斧時維
逆梁稱兵肆侮進逼錦城至於江滸公也視師左桴
右鼓殲采獲醜復我疆宇公當在蜀羗髯率從迨公
還朝谷高景鍾泊乎讀禮盜孽咨克糾合水西進窺
我壙蜂屯蟻聚四面環攻公秉節鉞再奏膚功有熊
有虎如雷如風八千克敵與淝水同孫盧授首方虎
書庸比解戎機拂衣歸里西土旣寧中州寇起岌岌

孤城一時風靡公傾厥家散金募士九攻雖迫一劍
自矢馘斬屢聞賊迹旋徙我井我閭緩我婦子盡瘁
維公遂乘箕尾公身雖歿公邑獲全維此邑人涕泗
載言公功在民公神在天請建專祠祝史告虔堂皇
翼翼成寢孔安廟廡攸飭庖湑備焉潔我粢盛烝我
牲牲以陰以陽水濟山顏風馬雲輶往來其間明德
馨香垂千萬年劉鴻業撰

烈女祠 舊志祀張氏女廂見在王范鎮嘉靖十九年
知縣李山建

禮儀

萬壽元旦冬至五鼓時各官朝服詣萬壽亭行慶賀禮
三跪九叩三呼禮畢各還衙門

日食月食設香案於縣堂上至期陰陽生報初食各官
素服行禮僧道鼓樂環遶救護報食甚各官素服行
禮報復圓仍素服行禮乃退

鞭春先立春一日縣令率僚屬俱朝服迎春於東郊安
芒神土牛於縣儀門外三揖而退至日各官俱朝服
祭芒神行三獻禮畢各官執綵仗隨縣令鞭春環擊
土牛者三鄉人爭取其土以爲宜耳

耕藉之期遵欽天監選擇頒行各省同日舉行至期縣

令及各官俱朝服齊集

先農壇行禮畢換蟒袍補服正印官秉耒佐貳播種耆老執青箱行耕時用耆老一人牽牛農夫二人扶犁終畝收穫後將所收米穀用過筭盛數口造冊詳報

祝文

維 年歲次 月 日某官等謹以牲帛酒醴

庶品之儀致祭於

先嗇神農之神郵表啜之神貓虎坊之神水庸昆虫之神勅封護國驅蝗劉猛將軍神位前曰惟神功參造化德司田疇福我農人螟蝗是仇

文廟禮儀見學校志

關帝廟前殿祭日各官齊集更衣具朝服贊禮引承祭官陪祭官至行禮處站立唱執事者各司其事贊陪祭官就位承祭官就位唱迎神各官行三跪九叩首禮畢唱行奠帛初獻禮禮生贊引承祭官詣盥手淨巾詣酒尊所司尊者舉解酌酒司帛者捧帛詣

關聖帝君神位前跪贊奠帛獻帛贊奠爵獻爵贊叩首與詣讀祝位贊跪衆官皆跪讀祝文畢行三叩首禮贊興復位禮生唱行奠帛亞獻禮如前儀復位唱行奠帛終獻禮如前儀獻帛獻爵畢唱興詣領福受胙

位領福酒受福胙三叩首禮畢興復位禮生唱撤饌
迭行各官俱行三跪九叩首禮唱司尊者捧尊司帛
者捧帛各詣燎所唱詣望燎位望燎復位禮畢各退
祝文

維 年歲次 月 日某官等謹以太牢牲醴庶
品之儀致祭於

關聖帝君神位前曰惟神義正君臣恩全兄弟神武當
時英靈萬世

後殿祭日各官齊集禮生引承祭官陪祭官詣

三代光昭公 裕聖公 成忠公位前行二跪六叩禮

餘與前殿儀注同

社稷山川風雲雷雨等壇凡遇祭期俱長官一員行三
獻禮餘官止陪祭其齊戒省牲降神迎神盥洗奠帛
初獻讀祝亞獻終獻飲福受胙謝神撤撰辭神望燎
送神等禮均與

武廟同惟薦壇止行一跪三叩禮

社稷壇祝文

維 年歲次 月 日某官等敢昭告於

社神 稷神神位前曰惟神翊贊坤德庸保田功一方
福佑萬代尊崇

山川風雲雷雨壇祝文

維 年 月 日某官等敢昭告於

風雲雷雨本境山川城隍土地之神位前曰惟神分司

天道動靜陰陽調和造化福佑一方

永寧縣志卷之八

政事部

營制

民壯 附

驛舖 附

周禮有鄉遂之兵郊甸之兵其法因井田而制軍賦後世兵農兩分民以養兵兵以衛民營制詳焉我

朝文德覃敷不忘武備有重臣節制有駐汎分防濬洫

崇墉爰葺苞桑之固矣嶠為九塞雄區春秋以降螳鬪

蠻爭踞為出入元魏未有洛西大都督嶠東立義帥及

防主戌主戌副礮牙穿穴壁鳴相望其後設縣移城營制稍弛明猶立未寧城神頂白馬二寨守禦白二寨罷設城營亦裁汛兵僅十二名不敷守妮迺移嵩縣營把總駐焉巖邑一隅亦屹然保障矣民壯爲古鄉兵遺意遵令申而練習之步戈旣嫻可壯聲援而奮擊刺若官馬以通飛檄舖卒以遞公文雖爲數無多實與軍政相表裏故附載焉

未寧縣分設把總一員駐防縣城隸嵩縣營守備轄有城字識一名馬兵二名守兵十六名河底鎮墩馬兵二名守兵三名高門關墩守兵四名界嶺墩守兵一名共馬守兵二十九名

馬兵四名每名大建每月餉銀一兩九錢米銀二錢五分五釐八毫五絲乾銀春冬一兩夏秋九錢小建每月餉銀一兩八錢三分三釐三毫五絲米銀二錢四分七釐三毫二絲乾銀春冬九錢六分六釐六毫六絲夏秋八錢七分

守兵二十五名每名大建每月餉銀九錢七分米銀二錢五分五釐八毫五絲小建每月餉銀九錢三分六釐六毫六絲米銀二錢四分七釐三毫二絲

民壯

永寧縣額設民壯二十三名除撥 本府糧廳三名現
 存城二十名前分烏鎗十六名弓箭四名於乾隆三
 十一年奉 文改習烏鎗每月酌定初二十六日隨
 營操演除正月四月五月六月十二月照例停操外
 餘俱操演二次於乾隆四十二年奉 文改習烏鎗
 十名藤牌單刀十名

驛舖

永寧縣驛設驛馬二匹馬夫一名歲支工料等銀六十
 兩一錢一分遇閏加增見續通志

永寧縣現設舖司十名

縣前總舖司六名

東路寨裡舖司二名

嶺山舖司二名

西路舊舖司

塢西舖 張村舖 小仇舖 寨裡舖 長水舖

桑樹嶺舖 崇陽舖 下峪舖 故縣舖

舊通盧氏縣今盧氏隸陝州舖司奉裁

